

KUMPUAN
RAM LEH HNAM
HUMHALH

YMA

AW



Chanmari West Branch YMA

Zaipawl din fel a ni ta

Chanmari West, 17th Feb : Chanmari West Branch YMA Committee-in a lo rel tawh angin YMA Zaipawl din fel a ni ta. Zaipawl hi a hruaitute nen mi 37 an ni. Branch YMA Zaipawl Conductor atan hian Pu RK Ramherliana ruat a ni a, Convener-ah Pu VL Thakima Branch YMA Executive member chu ruat a ni bawk. Zaipawl hi kumin General Conference-ah hla rem thei tura beisei an ni a. Tin, Branch programme pawimawhah te pawh a ṭul dan ang zela zai thei tur leh kan Branch-in Silver Jubilee kan thlen hunah pawh ḥa taka kal zel tura beisei an ni.

Zaipawl kaihruaitu terte leh Zaipawl member terte chu heng a hnuai a mite hi an ni.

Convener : VL Thakima

Asst. Convener: Lalnunthara Sailo

Conductor : RK Ramherliana

Asst Conductor : Lalzabiaka

Asst. Conductor & Secretary :

C Vanlahriatpuia

OB Incharge : R Lalhmachhuana

Memberte:

K Hmingthanzaauva (N)

Lalhminsanga Pautu (N)

Zarzoliana Chhangte (N)

K Lalruatsangi (N)

Lalrintluangi (N)

BMS Dawngkima (K)

Vanlalremliana (K)

F Lalhmingmawia (K)

Vanlalawmpuia (K)

David Malsawmkima (K)

Lucy Zoliani (K)

Vanlalzawni (K)

Malsawmtluangi (K)

Zosangzuali (K)

C Lalrinsangi (CH)

PC Chuauzikpuii (CH)

C Lalsangpuii (V)

Janet Malsawmtluangi (V)

C Lalbiakzuali (V)

Melody Lalhriatkimi (V)

Lalnunhlui Renthlei (V)

David Vanlalpeka (V)

Lawmsangzuala (V)

Dr. Lalthanliana (V)

Zonunthara (V)

R Laltansanga (V)

R Lalrinngheta (V)

K Lallungmuana (V)

Jacob Vanneihtluanga (T)

C Lalnunfela (T)

PC Lalhmangaihi (T)

Ni 13.2.2013 zan khan Zaipawl member-te, a enkawltute leh Branch hruaitute an inhma khawm a, Zaipawl hian hla an zir nghal. Zaipawl member tura ruat tlawnmgaih chhuah theite chungah Branch YMA Committee chuan lawmthu a sawi a, heng kan zaipawl member-te tan hian veng mipuite pawhin i ṭawngtaipui ḥin ang u.

VENG TIMUALPHO

Ni 5.2.2013 (Thawhlehn) khan Tv Lalduhawma s/o Deng\huami (L) Vanapa Section chuan Zarkawt Sporting Club hminga Donation a khawnlai chu Zarkawt Branch YMA ten an man. Ni 8.2.2013 khan Pu Lalremruata w/o Helen Lalthanmawii Neuva Section chu Aizawl Venglai VDP ten a damdawi zuar an mansak bawk. Hetianga ram leh hnam tana thil \ha lo ti \hin kan veng chhunga an awm chu Branch YMA in pawi a ti hle a, ni 13 zan khan Branch YMA-in heng mite hi kovin zilh a nia, pakhat rawn in lan thei lo chu Branch OB ten an inah kalin an zilh bawk.

Branch News

● Ni 13.2.2013 (Nilai) zan inkhawm ban khan Emergency Meeting Pasaltha Neuva Inah neih a ni.

● Chapchar Kut March ni 1-a AR Lammuala hman turah Cheraw, Chawnglaizawn leh Chai entir turin hmalak mek a ni, Ni 18.2.2013 (thawhṭan) zan in khawm banah YMA Zawlbukah lam zir ṭan tur a ni.

● Adviser Pu A Biaklawma chu Chalfilh Constituency bye-election neih turah Returning Officer niin a ṭul thei hle.

● Branch Fin.Secretary Office duty-a Sakawrdai leh Saituala zin pawh dam takin a lo haw leh ta.

● Section te'n Chhiatni Fund kan khawnsa te Branch Fin. Secy hnenah a ranglama theh luh tur a ni.

● Thlanmual ramah leipui siam thar phal a ni lova, YMA Park-a thingte hi kih phal a ni lo.

ACCOUNT TRAINING

Ni 20.2.2013 (Nilaini) chawhma dar 10:00 hian Branch YMA leh Section sum enkawltute tan Pasaltha Neuva inah Account Training neih tur a nia, he hunah hian Branch leh Section sum enkawltute kimtaka tel theuh tura hriattir kan ni. Training hi Pu Lallianzuala T-Sect. leh Pu Vanlalhruaia K-Sect. ten an pe dawn a ni.



TUNKAR CHANGVAWN

Kan awmna leia in hi ḥiat mah sela, vanah, in, kuta sak loh, chatuana awm tur, Pathian hnen ata in nghet chu kan nei tih kan hre si a

II Kor 5:1

Editorial Board

Editor:	R. Lalrinngheta	9862358337
Joint Editor :	Lalchhandama	9862358347
	J.Lalnangliana	9862399658
News Editor :	Thangkhuma	9862303135
	Lalchhuanmawia	9862580558
	K. Lalremluanga	9862119608
Cir.Manager :	Jacob Lalrinsanga	9612319779
Production Manager :	T. Ngurk huma	9436190843

Branch Office Bearer

President	C. Lalzarliana	9436142049
Vice President	T. Ngurk huma	9436190843
Secretary	Zairemmawia	9862385654
Asst. Secretary	RL. Thanhnuna	9436152760
Treasurer	R. Lalhmachhuana	9436151817
Fin.Secretary	K. Darthantluanga	9436196071
Adviser-te :	Pu F. Zosanga	9436142106
	Pu A. Biaklawma	9436363169
	Pu Lalrengpuia Sailo	9862075614

Editorial :

Mizo upate chuan "Hmel chu a siam that theih lova, nungchang erawh a siam theih" an lo ti a. Tunlai khawvel thiamna hmang erawh chuan hmel pawh a siam danglam theih tawh hle mai.

Mizote hi a hnam ang zawng hian eng ang mize pu nge kan nih a, hnam dang hian eng angin nge min hmuh ang aw? Ziak mite chuan, mihringte hi ze pahnih - "Ze ng het leh ng het lo" nei angin an sawi thin. Ze ng het tak mai neih hi a thatna zawnah chuan a tlo khawp mai. Eng boruak mahina a sawi chet ve mai mai loh, mahni zia nunpui ngam zel pawh a tha e. Mahse, kawng lehla mah chuan a hun leh hmun a zira kan mizi ate kan siamrem theih loh chuan mi dang tana hnawksak nih theihna lai a awm ve tlat.

Ze ng het lo hi a tlo lo fo, chutih rual chuan mi dangte tan an hnawksak lova, anmahni tan pawh mi dang bula khawsak a awlsam phah ve thung. A tul hunah mi ngaihdan an tawm thei mai a, an insiamrem zung zung thin.

A nih chuan khawi zawk chu nge tha ang le? Mahnia ngaihdan siam ngam turin ze ng het nei ila, mi dangte tana khawsak pui har lo turin insiamrem thiam bawk ila a tha ber mai. Mi ngaihdan zawm a tul hunah hreh lo ila, kan ngaihdan sawi chhuah a tul hunah huaisen takin din chhuahpui ngam bawk ila a that a rinawm.

Article:**KAN VENG THALAITE**

- R. Lalchhuanawma

Tunhma chuan:

Tun hma kha chuan feh kawng leh Thlamah te nau an neih maite kha thil mak a ni hran lova, tun hnu ka han ngaihtuah let hian naupailaia enkawl na tha dawng awm reng reng ka hre lo; bawng naupaia paiin an hrинг ve tawp ni ta berin ka hria. Tunlai dinhmun nena khaikhin chuan khang hun laia mite khan engtin nge dam tak leh hrisel taka nau an hriñ theih chu aw ka ti vawng vawng thin. Pumna, khawsik, kawthaloo, tinreng damdawi atan **APC** leh **em bi number thum** te an ni mai a, a bak beisei tur a awm lo. Saphai mit leh Sakuh ril kha an fak viau a, Savawm mit a lar viau bawk. Naupang infiam an intih pem palhin nu in a kutah chil a chhak phawrh phawrh a, "Nu chil chu damdawi" tiin a pemlai ah hnawih pahin a beng thawk thawk a, ngaihtha takin naupang an awm a, an dam ve leh mai thin.

Tun hnu chuan:

Tlem lai khan Chanmari West nula leh tlangval rualkhat (an zat chiah ka hre ta lo) Europe ram hmun hrang hrangah Natna kaihnawih leh a damdawi chi hrang hrang zir chiang turin NLUP sum hmangin an feh chhuak a, anni ho khan an zirlai an bei ngawrh in an thawk rim hle a, an zingah hmeichhia 5 an tel ngei ti hrawh ka hria. Natna khirh zual heng HIV/AIDS, Cancer leh Hipertitis-B te ho hi an thlur bing a. Rim taka an beih hnu in kan veng thalaite chuan heng natna enkawl dam theihna hi an hmuchhuak ta zung zung mai a. Kum engemaw zat sapho finna leh khawl changkang maksak tak tak nena an hmuhchhuah theih loh natna khirhkan enkawl dam theihna kan thalai ten kar lova an hmuchhuak ta mai chu mak an tiin an chung en hle a, an chungah beiseina sang tak an nghat nghal a. Europeanho sum leh pai leh an khawl te duh ang angin an hmang thei bawk a, thil chidang hmuhchhuah tumin an in sawrbing leh ta.

Project dang:

Khawvel kalphung pangngaia kum upat vang maia 'tar' hi an enghelh em em a, tar theih lohna damdawi hmuhchhuah tumin ngawrh takin an zir leh ta ngat ngat a. Damdawi awmsa chi sangli leh sawmthum pathum chawhpawlhin damdawi chikhat 'Anti Oldage' an hmuchhuak leh ta tlat mai le! He damdawi hi capsule angin an siam a, Cameroon pitar pakhat kum 86-a upa, tarkun khau tawh mai experiment atan an ei chhintir a. A ei atanga minute sarih leh a chanve ah damdawi hnathawh lo lang tanin, a vun chuar te a lo mar a, a zangkul te pawh rawn ngil in minute 43-ah chuan tleirawl kum 18 ang vah mai a lo ni ta a, a hma lawka pitar kha a rawn tleirawl nuih ta ar ar mai a. an va han lawm tlang tehring em!!

A bula a pasal, kum 91 mi vel, lu tuak var vek tawh chu a pasal niin a hre si, amah a in en a, a pasal a en leh a, mak tiin a hawi tawn sek a. Kan thalaite chu a thiam ang tawk tawkin a pasal hnena damdawi pe ve turin a ngen chiam a. Anni lah chuan damdawi enchhinna tha lutukah ngaiin dose chanve an pe a. Damdawi a ei atanga minute 23-ah a lutuak var vek tawh chu a rawn dum tan a, minute 72 a ral meuh chuan a thawmhaw hak lai te chu a tawt ta tang mai a, kum 35 mi ang velin a rawn lang ta vah mai. Nupui kum 18 mi vel a nei bawk si, hlim tak an ni. An lawm lutuk chuan lawmman atan kan veng thalaite chu an Chawke khawi lai, Kg 3 zeta rit chu an pe nghe nghe a.

Buaitlak ta chu:

Tlailam dar nga vel ah an fate an lo haw khawm a, an nu leh pate aiin an lang upa ta nawk hlawm mai le. Hun a kal zel a, thawmhaw lamah harsatna an tawk chho ta zel, an fate aia a feng chhing chhing, a duh tui tui, a ha zuih zuih, a kap tawi tawi, a rim tui tui, Handset man to to duh an lo ni ta ! A tira an hlim vei nen Chhungbuia te an ni ta ringawt mai.

Kan veng thalaite chu he buaina chinfel na'n leh damdawi thar hmuhchhuah tum in an bur leh nghal ngar ngar a, an thil hmuhchhuah ka hriat hma in ka thangharh ta hlawl mai, ka va'n ui !!!

Phek 3-na	Section Report/ Vengchhung/ etc.	17 th Feb 2013
Taitesena	Vanapa	Section
<ul style="list-style-type: none"> □ Ni 11.2.2013 zan khan sum tuak nan rora thiar a ni. Hnatlangte chungah leh Inhlawhna siamsak tute chungah lawmthu an sawi. □ Member ten mitthi lumen te, khawhar in kal leh hnatlang te ngai pawimawh turin an in ngen nawn leh a ni. □ School naupang Exam lai a nih avangin bengchheng siam lo turin an innge. □ YMAAW leh YMA chanchinbu la duh tur pawh tihfel a ni tawh. □ Section chhung a damlote an dam leh thuai an duh sak. □ Section huamchhunga Hoarding leh Welcome Signbboard chei \hat mek a ni. □ Tun kar Innrianni hian faina hatlang neih tum a ni. □ Section chhungah ruk ruk a hluar hle a, chhungtinte fimkhur turin an in ngen. □ Khua alo \hal chho leh ta a chhungtin te KANGMEI lakah fimkhur turin an innge. □ Kawngdung leh YMA buk kawtahte Lirthei dah tawh lo turin an inhriattir. 	<ul style="list-style-type: none"> □ Ni 9.2.2013 (Inrinni) khan kuang duang leh \hutthleng rawng hnawihin hravitate nilengin an hnatlang. Hnatlang \anpuina petu Pi Rosiami (\$100) chungah lawmthu an sawi. □ Ni 19.2.2013 (Thawhleh) zan dar 6:45 hian Pu R Lal\anpuia (Tea) inah committee tur a ni a, hei hi kohna a ngaih tur a ni a, kohna hran siam a ni tawh lo vang. □ Ni 11.2.2013 (Thawh\an) tlai khan Chaltlang kham chu Edenthal naupangte'n an hal a, section tlangval tlawmngai mi 20 velin an thelh leh thei hram a, mitinte kangmei laka fimkhur turin an innge. □ Ni 16.2.2013 (Inrinni) khan nilengin Brick thiar hnatlang (sumtuak) an nei a, member \hahnen tak an thawk chhuak. Inhlawhna siamsaktu Pu C Lalnunmawia te chhungkaw chungah an lawm hle. □ An hravitu Pu Zairemthanga Lunglei lama zin chu dam taka a lo haw leh ngei an duhsak. □ YMA member list leh YMAAW latu list la thehlut lo chuan vawiin tlai dar 3:00 hmain Secretary hnenah theh luu vek tur a ni e. 	<ul style="list-style-type: none"> □ YMAAW latu tur zawn leh YMA member lak zawn a ni ta a, YMA AW man Rs 12000 an thehlut tawh a, khawn bakte khawn leh zel turin an innge. Tin, YMA member 670 an awm a, member-a la inpe lote'n hravitate hnenah a inpek theih reng. □ Ni 16.2.2013 (Inrinni) khan YMA Runah Kuang duan hnatlang an nei. □ Chhiatni Fund khawn mek a ni a, chhungtinte lo pe \heuh turin an ngen.
		Kan Then Tak
		<p>Pu Hrangzuala. Pian ni- Ni 13.3.1951. Pa hming - Pu Chalmawia Khiangte (L) Nu hming - Pi Ladangi. Section - Taitesena, Kohhran - Seventh Day Adventist, Pianpui unau mipa 4 leh hmeichhia 4 a nei. Kum 1979-ah Pi Vanlaltruangi nen an innei a, fa 3 leh tu 2 an nei. Kum 2009 atangin pum lam tha lo vangin Doctor an rawn tan a, 7th Day Hospital-ah vawi 7 ngawt an lut. A natna chuan zual lam pan zelin Ni 13.2.2013 (Nilai) zan dar 11:00 khan a boral. Khawhar chhungte Pathianin awmpui zel rawh se.</p>
		YMA ZAWLBUK, GARRAGE LEHYMA BUK
		<p>Kum 2013 April - March 2014 chhunga Chanmari West Branch YMA In- YMAZawlruk, YMABuk leh Garrage luah duh tan Branch Secretary hnenah ziaka dilna siamin February thla chhunga theh luu tur a ni. Dilnaah hian chhungkaw member zat leh Phone number ziahlan tur a ni. Hrechiang duh chuan Branch Secretary Tv Zairemmawia hnenah zawn theih a ni ang.</p>
		HRIATTIRNA
		<ul style="list-style-type: none"> □ Heng a hnuaih hming tarlante hi Pu Lalrinliana (Sir Tea) hnenah in EPIC a rang lama la tura hriattir in ni e. 1) Lalduhsangi 2) Laldingngheti 3) Lalrifela Jongte 4) Vanlalruatpuia 5) Eric Lalmalsawmtluanga

YMA AW hi vengchhung chanchin thar hriatna hnar pawimawh tak a ni.

MHIP

- Ni 11.2.2013 (Thawhtan) zan dar 7:00 khan President Pi Lalbiakngheti inah hruaitu hlui leh tharte'n charge an inhlan
- Ni 14.2.2013 (Ninga) zan khan OB meeting an nei a, Branch Executive member leh Adviser turtur an ruat.
- An President damlo chu Office kai theia a dam leh tak avangin an lawm hle.
- Tun kar hun remchangah Executive Committee koh an tum.

Thlanmual Sub-Committee

- Ni 9.2.2013 (Inrinni) khan nilengin Thlanmualah an hnatlang a, thlanmual tihhmasawn nan ruahmanna hrang hrang an siam.
- Ni 16.2.2013 (Inrinni) zingkar khan an hruaitu Pu Rinmuana Workshop-ah Kraws siam hnatlang an nei.
- An hruaitu Pu Lalhmasaa chuan fanu thar duhawn tak a nei a, an lawmpui hle.

BADMINTON CLUB

- An President Pu Lalchhandama Ralte zin chu dam takin a lo haw leh ta.
- An adviser Pu HVL Zarzoenga Office duty-a Guwahati lama zin pawh dam taka a lo haw leh an beisei.
- Inkhel thin zawng zawngte Indoor Stadium vawngfai turin an inchah.

Cook Mamawh

New Horizon School of Education-ah eirawngbawl tu (cook) mamawh a ni a, a thawk duh tan Ni 18.2.2013 (Thawhtan) Dar 10:00 am - 2:00 pm chhungin Principal Office-ah Interview theih a ni e. Ruihtheih thila fihlim lo tan dil buai a ngai lo vang.

YMA AW SEMTUTE - TAITESENA SECTION

Bial 1	Lalmuansanga	s/o	H Lalfakzuala
Bial 2	R Lalhruaitluanga	s/o	R Lalthankima
Bial 3	B Laltlanfeli	d/o	B Remchhunga
Bial 4	Ngurthankimi Sailo Malsawmdawngliana Lalremtluanga	d/o	Sailuanga Sailo PC Zarzoliana PC Zarzoliana
Bial 5	Laltlanhua Khiangte	s/o	K Lalsangzuala
Bial 6	Lalrammawia	s/o	Lalchhuanliana
Bial 7	Amigo Lalhminghlua	s/o	Lalthlamuana
Bial 8	Samuel Laldingngheta	s/o	K Lalremruata
Bial 9	Vanlalhruaia	s/o	VZ Muana

ZOFA NEWS

- Ni 11.2.2013 (Thawhtan) khan Assam Rifle Programme, Reiek-ah member 18-in Hnam Lam chi 3 an entir.
- Ni 20.2.2013 (nilai) hian Programme an nei ang.
- Valentine's Day pualin an hruaitu Pu Zonunsanga leh Ni Ellen Lalrintluangi te chuan thisen an pe.

CWSC

- *Chanmari West FC fixture* : A hmun Rajiv Gandhi Stadium, Mualpui
- Feb 18, 2:30pm : v MAP Academy
- Feb 20, 2:30pm : v Electric Veng
- Feb 23, 12:30pm : v College Veng
- Pu RK Rozidingga chuan CWFC tan Football thar tha tak mai a pe a, an lawm hle.

Property Sub-Committee

- r Chairman Pu TC Lalh mangaiha chaun Mualkhang lamah in ropui tak a sa mek a, a zagh ve leh ropui taka lawm an tum.
- r Ni 20.2.2013 (Nilai) tuk\huan ei khamah YMA Bukah bungraw en fel hnatlang neih tur a ni, tlaiah chawhlui kilhonghal a ni ang.
- r Mike Horn tha lo a awm chuan hruaitute hnenah a rang lama report \hin turin section hruaitute an ngen.



**LODESTAR
SCHOOL
CHANMARI WEST,
AIZAWL
(Near Indoor Stadium)**

**2013 – 2014 session atan K.G – I admission englai pawhin school hour chhungin a tih theih reng e.
K.G – II atanga Class – VIII tan March ni 1 (Zirtawpni) atangin tih theih a ni bawk ang.**

Contact : 9862711823 / 8974287909 / 8794576982 (4-2)

Valentine's Nula Chhuanawm

Kum 2010 khan Ni Zikpuii chuan ama mimal thahnemngaihna liau liauin **Blood For Your Valentine** Programme hi hlawtling takin a lo kalpui tan a, hemi kum hian mi 140 velin Civil Hospital Auditorium-ah thisen an pe. Hemi ni atan hian Banner mawi tak mai Pu Lalnunthara Sailo (Gemini Entp) chuan a siamsak nghe nghe. Kum 2011-ah Association for Voluntary Blood Donor (AVBD) nen tangkawpin, mi 360 lai thisen petu an awm leh a. Kumin bikah hian he hun hi AVBD te chuan an organise a, MSACS lamin sum leh pai lamah an pui bawk. He programme-a a sulsutu leh a kalpui hmasa bertu kan veng nula Zikpuii thiltih hi a ropui takzet a. Mi dangte tana malsawmna ni tura mite a cho chhuak thiam hi a ngaihsanawm tak zet a ni.

KANGMEI...KANGMEI

Tunlaiin khua a ro hle mai a, kangmei chhuah palh awlsam lai a ni tih hria a, veng mipuite kangmei tichhuak lo tur zawnga fimkhur tua ngen leh hriattir kan ni e. A bik takin Vanapa Sect (Chaltlang kham hnuai) leh Taitesena sect (vaivakawn Road chung) ah te fimkhur lehzual tur a ni e.

LUNGHLUROAD

Ni 19.2.2013 (Thawhleh) zan dar 7:00 hian kum 2013 hruaitu tur thlan tur a ni a, member-te kim taka kal turin an inhriattir. Inthlanna hmun Pu Lalhankhuma In

LOCAL COUNCIL

May thlaa Aizawl District Football Association (ADFA) in Aizawl District tana Inter-Village Football Tournament a buatsah turah Chanmari West Local Council hminga chhuah tum a ni a, tun atanga player-te lo inbuatsah tura ngen an ni. Tin, veng chhung player-te chu veng danga khel chhuak lo turin Chanmari West Local Council chuan a ngen tak meuh a ni.

Open School Admission

2013-2014 Academic Session atan Class X & XII New admission a tih theih. Class kal hman lo tan pawh private-in a tih theih. Zirlai bu leh fuldangte ngaihtuah sak an ni ang. Class-XII tan admission reimburse theih a ni bawk.

Coaching Centre :
Govt. Chanmari Middle School
(Near Basket Ball Court)
Contact No. 9436351649/
9862356526 (3-1)